

鉅  
水  
齋  
詩  
集

餅水齋詩集卷八

大興舒位立人

屠維協洽

之楚紀別

宛轉新離別蕭條舊路程種桃前度事行李此時情樓遠鏡  
猶見江空櫂有聲是誰饒舌者書札到公卿  
亦是因人熱仍教辦客裘楚峰樽底綠湘草鏡中香鄉信魚  
方便歸期燕細商白雲低首近卽此是慈航

余年十四曾至西湖彈指二十稔矣茲來泛舟僅日又  
渡錢唐雜題數詩記是日之曾遊者

欲叩三生石難消一點塵管弦不速客山水再來人鴻爪泥  
無迹龍華劫有身手持杯酒算傾倒廿年因

一十六羅漢其中有貫休佛珠何處現鬼斧不能修葉落山  
如夢花開水自流我來窺色相片石記雙鉤

重過鄂王祠低頭再拜之班師最下策種樹向南枝故里瞻

如昨余前年過湯陰調祠有詩長城壞莫支英雄埋骨盡惟見草離離

細數花神廟雌雄絕代妝青春千古夢黃土一身香舞作遊  
仙引拈來選佛場風幡買絲繡繡出萬鴛鴦

曾從衆香國銷夏一盤桓井底點燈易城中乞食難歲華偏  
我記羅漢許人看敝帚今還在低眉掃舊壇

最愛湖心亭涼風八面聽人間無六月天上有三星香去花  
留白峰來水送青泥他吟霧夕燈火蕩空舫

買得西湖志經年讀未終不如遊歷歷只恨去悠悠人影斜  
陽樹山聲別寺鐘愁心似雲霧何止萬千重

泊舟江口有作

二月渡江來六月渡江去江潮笑行客來去不肯住我更笑  
江潮比客尤絕癡明來而暗去逝者何如斯潮聞忽怒嗔叩  
我船舷響織雨作千絲買風得五兩一言報江神何不禁雙  
槳彼既不能來此亦不能往

桐廬道中書所見

衣帶水一條屏風山四匝我行江自流我唱山能答上水得  
風遲中峰與雲合半篙不肯停兩屐何時蠟不見嚴州城惟  
見嚴州塢

石子如檣蒲水痕如袴褶游魚上灘來有聲惟啜啜貫而入  
於齋其占爲噬嗑穿以楊柳條賣之沙棠楫若遇嚴先生何  
當一緩頰

自過富春陽水瀉山如峽對面有一船過眼無半霎得魚不  
化龍指陽誤爲鴨蒼茫自詠詩亦一消遣法寫付青衣人立  
近琉璃匣

江山船婦稱同年嫂者向不解其名義篙師爲言凡業  
此半皆嚴郡人蓋同嚴耳故他郡之船則仍無此稱也  
年嚴南音無別戲爲是詩

只知蘇小是鄉親誰識嚴陵亦故人宋嫂羹湯調自好吳娘  
歌曲聽難真紗窗掩雨眠雙槳羅韞裁雲印一塵惆悵芳年  
有華月幾錢能買此青春

玉山道上逢雨

昨日乘船今日輿分明勞逸各有殊昨日晴明今日雨何意  
炎涼便爾許船則木輿則竹去去何時足日則曝雨則灑行

行何處宿竿上魚何離  
齟齬下駒何局促路漫漫  
兮過三伏心情悄兮歌一  
曲油衣當瓦茶當粥爛泥  
便是羣山玉

自玉山登舟水淺且涸日纔行十餘里

坐船如坐輿卷帆如卷席  
行十乃止九進寸亦退尺  
將爲累盪舟先學陶運甓  
三點兩點雨千堆萬堆石  
始以長繩牽無一以橫木  
格揮而避者三呼而諾者  
百江陵有千里瞿谿無一  
滴朝暮牛峽謠上下鴻溝  
劃百端空苾苾兩情惟脈  
脈射日僕未能從風汝則  
逆幾欲索枯肆誰當處涸  
轍且疑目督井直可恠泛  
宅我思駕飛車不然著高  
屐雖未免陸沉庶幾逃水  
厄流言逐波臣乾笑謂河  
伯調水旣無符移山又無  
檄束手弄潮兒腸斷乘查  
客驪龍眠未醒鷓鴣行不  
得

阻淺撥悶

西舫東船聚作幫短轆長柄打成椿篷低定被閒愁壓水淺  
慙無健筆扛兩岸石痕仍齒齒一溝鐙影自幢幢夢中要訪  
馮夷去鐵板銅弦唱大江

秋風纔換紫蕉衫恠事頻修咄咄

舟能作屋書來

破冢枉求帆祇疑水吸西江盡自北北海銜我欲因時

請牛斗誰知河漢隔仙凡

登滕王閣眺望雜詩

重向仙人舊館遊濃春烟景又新秋不知蝴蝶飛何處萬水  
千山百尺樓

南昌戰艦歎雄藩妃子墳邊緣草翻當日此風真跋扈不曾  
卓一護花幡

極望潯陽九派分琵琶亭子隔江雲善才弟子商人婦傳到

今朝只有君

灌園織履舊農夫強被將軍指姓蘇  
蘇綠亭前一相認當年曾識此人無

水底潛蛟岸上童黃牛洲畔浪殷紅  
孝侯長劍澹臺壁未抵真人一翦功

五更渡章江至沙井

月落江水平月白沙與白有似琉璃屏  
柔艣一枝劃江痕隨艣枝一線隱龍脊  
又似水精簾中安玉界尺卽景澄我懷稍  
聞風淅淅東視天欲青西視山已碧  
捨舟登彼岸人家尚堅壁側想此門中  
曉夢迷阡陌誰知門外街已有吟詩客

高安道上雷雨作歌

風輪纒雨如浣紗雷鼓破霧如催花  
四圍野色何所見見首



見尾龍術衛玉女投壺天大笑霹靂急作漁陽搥頭如青山  
手白雨淵淵金石鳴鳴笳驚騰片片舞赤沙癡雲陣陣排烏  
鴉亂頭龕服雨師妾手彈十面銅琵琶繁聲清響次第作大  
珠小玉盈一車此乃鈞天奏廣樂仙之人兮列若麻雲中君  
騎碧雲馱天瓢賜酒傾流霞歌聲舞態闕然止紫烟霍霍飛  
金蛇下界官商雜相和東西兩郡公私蛙我坐籃輿聽不得  
望投茆屋三兩家舉頭見日日尚遮低頭看水水則窪須臾  
夕陽斜復斜西南樓月開黃芽拖泥帶水行且止依草附木  
笑復嗟征夫土語何彥牙問以前路伊優啞濕薪束縛燒作  
燭行潦滑笏餐爲茶更闌睇見城角闌秋星一點棲匏瓜高  
吟行路之難曲詩膽如斗驚劉叉

分宜萬年橋

問水今無恙移山昔有權馬蹄敲白石鳥影入青天題柱誇鄉里吹簫記歲年闌干閒細數惆悵此橋邊

將抵長沙偶作絕句擬於寄書日寫付女牀山人

看徧吳山又越山楚雲都作妙華鬢中間一髮青螺影猜是湘娥第幾鬟

星沙作客第三回山認峰尖水認洲歸夢自隨流水去行人卻向亂山來

似勝從軍六詔鄉依然結客九歌場寒衣漫向秋深寄自采芙蓉集作裳

題陸景表明經夢遊岳麓詩後

余幼好奇字曾讀岫巘碑弱冠窺衡湘遠自南海來七十有二峰面面春帆開祝融迤岳麓屐齒慳崔嵬煨芋多宦情采

藥非仙才

抱朴子歷數四岳獨不及衡

有山不肯住久爲山靈哈今年作

楚客近在金沙堆江水衣帶耳欲疲猶徘徊君今先夢到彷彿扁舟洄隔江見山寺詩興斜陽催曉起記所見迢遞如蓬萊停雲久無館懷麓亦非臺昔賢未遂志飄泊矧我儕臥遊卽此是真境無須猜惜哉霜鐘聲驅逐秋夢回我讀夢中句宛似同遊纜

夢遊岳麓寺得詩二句戲足成之

陸泰階

昨夢衡山麓迢迢望祝融渡江纜打槳隔寺忽鳴鐘返照碧千頃夕陽紅數峰醒來記此句返照夕陽重

龍雨樵先生

鐸

見題拙集作此爲謝

人生不封萬戶侯亦未嘗識韓荆州猶當去尋一字師到處逢人說項斯憶從束髮結詩社同輩時時一傾寫心知此事

非苟然不畏古人畏來者胸中忽有五百年扼底走出三千  
篇當其暫得快自足旣闕甘苦知酸鹹天有陰晴月圓缺人  
有悲歡客離別如是十年所作詩皆欲拉雜摧燒之往歲從  
戎草露布燕豫楚黔騎馬路長亭短亭不記程長歌短歌不  
知數直墮雲門文字禪敢矜杜老江山助以其來自古戰場  
生紙所寫成一部雨樵先生老于文諸侯賓客宰官身絕塞  
蕭條嚼殘雪長沙卑濕樓閒雲搖豪拂素序我集花雨讚歎  
諸天尊抱三尺桐磨一劍我乃於此登龍門嗚呼作者旣無  
手嗚呼讀者亦無口家家自比李杜韓人人自賞牙曠般豈  
知此事最寂寞苟非其人可不作遊心太虛絕町畦彈指華  
嚴有樓閣君不見看花能悟道彈琴將移情酒可不飲飲必  
醉兵可不用用必精亮哉三長才學識作詩與史合一轍我

若有田真不恨歸去讀書三萬寸

金秋士天空海濶圖

我聞鄒衍談天說海又聞天上銀河通海水吾曹身寄天  
海東後東譬若滄海一粟天一蟲而况日月出其裏雲霧集  
其上山林城郭排當中橫看海不濶直看天不空并窺斗量  
不足以爲功吾曹那得知其故閉門自作六合賦下土爭萬  
蠅老生抱一兔旣不識環海凡幾圍又不識周天凡幾度更  
不識天上之海海外之天又凡幾重數所見所聞所傳聞聚  
六州鐵鑄此一大錯叶婁關居士愁更愁無端忽作無邊遊  
靈槎一枝不知誰所贈疑是神農所種樹遣取吳剛月斧丁  
丁修霹靂不焦乾坤浮桴而乘焉虛若舟始据其上游乃放  
乎中流風姨年十八吹氣不宵休浪花開萬朶龍女插滿頭

相引居士詣斗牛天關虎豹海翠虬約略望見五城十二樓  
頽瞰水精宮闕寒如秋人以蘇和仲爲天馬我以石季龍爲  
海鷗歸來問君見何物君亦茫然不能說但覺直看而天空  
橫看而海濶再問空者濶者有象或無象筆札腐舌難具狀  
乃呼畫師來投以鸞谿絹三丈非天非海是卽非色相作枯  
木禪隨所向一客飄然坐其上噫吁嘻破萬里浪望九點烟  
浮萍不忘海游絲飛上天羽翎鱗伏皆因緣心胸開拓而目  
傳君彈琴我擘箋題君天空海濶之圖歌我天風海濤之篇

殘菊篇

楚國旣秋黃花無信牆陰或置殘菊兩盆景裴取以  
作供得三花焉余感其意爲詩

有秋無花秋不住敦請花來秋已去當年楚客餐落英至今

疑是欺人句心知遲暮傷幽獨奈是淵明偏愛菊不從南海  
拜觀音竟向東牆窺宋玉嫣然一笑花之神低頭洗向玉女  
盆露索風弦不相惜雲階月地空銷魂似訴相逢苦不早若  
箇視花如視草冷葉陰無翠色留孤根濕有青泥抱既似娉  
婷不嫁年又似英雄不據鞍眉顰乍起妬山影髀肉復生遮  
箭瘢先生與花同是客不替花愁替花惜翻爲千偈水在瓶  
吟成三影鏡橫壁我意看花如用兵不貴在多貴在精又謂  
品花如判獄不求其死求其生變聲譜作無弦曲菊部頭來  
看不足倚枕猶思白玉堂墜茵直抵黃金屋芙蓉有露柳無  
鴉夜深商婦彈琵琶借來夢裏一枝筆書寄人間三朶花

跋雨樵臨米書後並與佟五守齋

玉綬論書

篆書變隸隸變草寫字人多識字少千秋祖一王右軍王書

獨以蘭亭寶傳神阿堵誰者賢書畫船中一米老米之得王  
得其珠餘子錄錄皆鱗爪前有骨醉平原顏後有肉食吳興  
趙趙雖學王寶師李北海世人但愛重儻好香光居士生太遲  
卻與海嶽相裏表我持此論未敢言恐被館閣傭書惱守齋  
公子銳於書示我兩樵所臨稟無垂不縮徃必收此法未絕  
乃稍稍想其落筆風雨來視紙如地筆如埽既造平淡臻險  
絕是謂筆酣而墨飽嗟余學書又不成弩末焉能穿魯縞遯  
於篆隸避真行時亦蚓蛇補蟲鳥不能善書能鑒書見善書  
者輒傾倒今年作客長沙城岳麓隔江青未了何當去尋岫  
巉碑歸共兩君相探討

看雲圖詩爲兩樵作

先生昔作陶彭澤出岫無心雲觸石先生今作陳希夷野雲



一片閒中飛我與先生住同縣西北高樓不相見一朝浮雲  
合楚吳教題一幅看雲圖自言圖取王維句圖成竟成輪臺  
去偶爾坐看雲起時果然行到水窮處水窮山盡風雲通非  
烟非霧非芙蓉白衣蒼狗太變幻黃河鳴綠惟鑿空先生看  
雲看其起去此不知幾萬里若教入表賦停雲崑崙架筆天  
鋪紙乃從縮本臨蘭亭我亦背寫黃庭經未廬山既識真  
面目富貴於我如丹青不相持贈能相頌十六燕雲一楚弄  
何須四七畫雲臺且來入九吞雲夢

始讀小倉山房全集竟各題其後

夢裏花開折一枝千言萬語寫相思前身定已窺中祕後輩  
誰能替左司開拓詩城功自在調和世味老難支若裁偽體  
耿佳句願鑄黃金拜事之

赤壁

八十萬人一火燒大江水滑東風焦舟中之指不可掬烏鵲  
繞樹魚龍騷譁譁出出毫社謠楚炬調調之刁刁突如其來  
第幾爻不待卜戰龜先鱣周郎年少孫郎豪阿瞞老去慄不  
驕來時水上願一塵去時火中擲一逃三步腹痛何處橋恨  
不春深鎖二喬前此長平四十萬天陰鬼哭白骨銷後此連  
營七百里畫圖一一裂紙條炎精赤烏當塗高樓船鐵鎖雪  
卷潮須臾三馬同齧槽金甌缺處如破窰青天一髮橫漁舸  
古無人蹤石礁嶢春江花月以酒澆有客嗚嗚吹洞簫

武昌渡江雜詩

江岸落潮痕孤篷繫石根倚花來北渚種柳記西門細浪魚  
吹漿斜陽島下邨悤悤過江去鐙火又黃昏

樓角市梢頭新洲漲舊洲鶴黃仙一笛草綠鬼千秋懷古恐  
終古言愁始欲愁當筵金縷曲曾見柳花不  
水可變酒去山如聚米來加餐十九首痛飲三百杯鐘磬閒  
僧夢千戈老霸才是誰深夜艇猶傍上風開

恨這關

天涯地角笑嬾姍到此分明恨這關一寸眼光牛背上百年  
心事馬蹄間重關詰曲誰開閉歧路蕭條自往還尚有青鏤  
殘夢在西風聲裏寫孱顏

滎澤渡河作

去訪仙源犯帝車歸留頑石伴枯查青山對面埽如鏡白浪  
打頭開作花鴻爪東西泥一斗馬蹄南北路三叉美人錦段  
無消息魚尾修修冷暮霞

臨穎中秋

行役旣永久秋光冷畫屏  
平分茆店月私語桂堂星  
後夜思前夜長亭間短亭  
山城歌水調且倚酒壚聽

裴晉公墓

疆帽夜蒙頭天留破蔡州  
兵權俄自解黨籍不能收  
野綠人千載碑青土一邱  
緋衣小兒讖幾作太牢牛

晚入信陽州

片片危巒霧腔腔古木風  
劣纔容一騎暝欲滅孤鴻  
劃地歸山外窺天入井中  
信陽城裏去險語出奇功

題桃花夫人廟

漢水鳴頭綠東風吹落花  
可憐好顏色日暮傍誰家  
強弩三年雉靈旗一樹鴉  
細腰宮在否腸斷楚江霞

烽火傾城笑香烟  
賽社春掃眉長樂老  
沒齒未亾人橫草思  
前事留花作後身分  
明雲雨峽朝暮冶遊  
神婦怨終無極夫征  
亦有期媿能迷下蔡  
甥已盡諸姬撲火翻  
燒野違言感出師中  
原牛耳血淒絕敗莘  
時

抵漢口有寄

車輪不能方船背不  
能直生長道路間一  
日三太息太息舟車  
非故鄉曾向長沙趨  
武昌去時濁浪排滌  
澤來日征塵拂漢陽  
漢陽漢陽渡口漢陽  
樹指點武昌渡江處  
瀟湘只隔洞庭湖又  
向武昌城外住

雨中登黃鶴樓

直上三層閣全開八  
面窗乾坤工遠勢風  
雨卷空江鎖斷帆無  
影花飛笛有腔昔人  
崔顥去鈍碎竟無雙

二喬墓

秋草中間蛺蝶肥  
美人黃土是耶非  
一時豪傑銷沉盡  
賸有香魂夜夜飛

隻雞斗酒死殷勤  
失笑銅臺夢裏雲  
畢竟東風春不鎖  
也留七十二疑墳

年少英雄玉樹埋  
可憐姊妹兩花開  
江東豈是無閒地  
卻傍湘君廟下來

消息一首做三十六體寄懷守齋

消息秋風又隔年  
燕雲迢遞接湘煙  
三霄露腳飛寒兔  
千里春心託杜鵑  
銀漢客歸槎有石  
玉堂花遠夢無甄  
幾時乞與天孫錦  
細織登科記一篇

盤古篇

盤古闢天地姓名未嘗傳亦無長生術但有出世權眼爲日月照氣作風雷掀筋力變花樹骨血成山川捐此一身累結彼萬古緣有魂三百里藁葬南海邊或曰是疑冢倣者轉阿瞞乃知一切事草創未及完中道忽崩殞上下何漫漫女媧補以石天意殊未歉譬如束皙詩不類雅頌篇章亥量地軸腳步參差間豪釐失千里瞬息誤萬年伏羲不工書一畫兩畫連帝舜頗好畫衣裳五采鮮麒麟與鳳皇聖人見亦難金鵬與香象菩薩騎而顛龍虎負重名蠅蚊有微言春花一色色秋樹一般般太虛本無事造作億億端生生不得已人以黃土搏死死不得已鬼以黑獄安生死兩不已西佛而東仙理窮縹緲際數定混沌前王郎斫何地屈子問何天以此叩盤古盤古對曰然

題雨樵夢餘雜感詩後卽用其韻

舊封酒郡曾加錫新築詩城號受降  
益誦阿房聲一一蝶隨莊叟影  
雙雙織花成錦香盈杼束筆爲桴浪  
打江何事雄雞猶脰膊銷魂賦裏有冬釭

藝中滋味王維醋庭際因緣謝朗鹽險韻詩教山鬼破孤眠  
客與夢神兼睡鄉甜處鴉偏噪酒肆酸時狗亦嫌桂樹無端

倚吳質累他夜夜看涼蟾

李長吉詩吳質不眠倚桂樹益誤以吳剛爲質耳

鱸魚莼菜秋風起翠羽梅花夜月殘  
峽裏雨雲嘗得誘樹根

蠹豸亦偷安者回肯借仙家枕此老曾經宦海濶  
遂使晚生

癡未了

唐人夢筆驛詩遂使晚生於此意癡眠不讀數行書

果然一笑酒栢寬

來詩紙尾用此

五字朱文篆方印

來鶴亭石榴一株爲築室者鋤去雨樵移植齋前榴乃



復榮有詩紀之余亦奉和立代榴謝

柯爛仙逢劫校安佛說因綠生枯樹賦紅見掃花人社橘抽  
簪叩湘蘭作佩紉願從門外立常伴苦吟身

向讀文選詩愛此數家不知其人可乎因論其世凡作  
者十人詩九首

偶然一曲亦千秋長短歌行出入愁亂世奸雄誰月旦建安  
人物自風流稀淵竟作中書死王莽終貽外戚憂若向詩城  
論割據故應南面擁孫劉

替孟德

幾時乞得步兵銜壯不如人老更儂性好吟詩成一累口除  
飲酒可三緘黃墟小醉眠誰側青眼高歌對阿咸八十餘篇  
無贖語生平懷抱發其凡

阮嗣宗

載酒開園想季倫栽花作縣憶安仁紅顏薄命無珠妓白首

同歸有玉人自昔豪華容易散一時才調孰爲鄰思歸引與  
閒居賦何苦低頭拜此塵

石季倫潘安仁

雲浮鳥倦早懷田鄉里兒來巧作緣仕宦中朝如酒醉英雄  
末路以詩傳五株柳樹羲皇上一水桃花魏晉前只有東坡  
閒不過加餐遍和義熙年

陶淵明

永嘉遊覽會稽逋範水模山好畫圖不負平生幾兩屐尚燃  
身後數莖鬚池塘生草春如夢天下量才語太麓成佛生天  
等閒事詩人作賊古來無

謝靈運

俊逸真堪定品評杜陵老眼勝鍾嶸尤工樂府幽燕曲誰比  
參軍鄭衛聲朝士自來多見嫉文人從古好相輕如何更向  
荊州去愁殺空梁薛道衡

鮑明遠

大謝生天小謝遲長城且欲老偏師吟翻紅藥當階後傾倒

青蓮對酒詩天際雲飛龍在望山中霧隱豹留姿難消文字  
輪回孽五百年間杜牧之謝元暉

雜體詩成有別裁斯文風雨選樓開驚心動魄千金字對影  
聞聲一種才失意事多言語拙斷腸人遠別離催分明性僻  
耽佳句此筆何曾夢裏來江文通

酒闌相見鄭中丞老淚沾衣冷似冰可惜文章千古事不如  
雲霧六朝僧清談未許陪元亮豔體猶應過彥昇惆悵中原  
遺響絕四聲偏創沈吳興沈休文

南山松皮歌

伊吾塞南山松樹皮厚二尺色赤龍雨樵先生謫官  
其地曾賦長歌頃以見示乃屬而和之

贈君以禹貢嶧陽孤生之桐不若玉策天陵偃蓋之樓松報

我以廣寒殿前八萬四千戶修月之青枝不若成都滄葛丞  
相祠堂溜雨四十圍老柏之蒼皮我不能窮走鄧林逐日三  
萬里又不能飽餐伏靈御風五百歲此樹婆娑不可見山不  
信魚之大海不信木之惟橐駝蠹蠹以爲馬腫背兩樵先生  
仰天大笑冠絕纓曰爾不見南山松皮年老能成精今雖難  
見南山松皮之情狀尚有一曲南山松皮之歌行我讀松皮  
詩一讀再擊節詩又奇於松之皮松又古於山之雪雒常樹  
生肅慎國昔者蓋已有此說不然叔孫殪長狄身橫九畝其  
色赤得寸則寸尺則尺翳惟古龍鱗兪有古虎文豹皮留皮  
無其人牛則有皮儼不偷瓜皮李皮茫茫墜緒不入世系稱  
曾孫松花萬斛散作瀛洲塵松釵一股聘天女此其家不貧  
死無枝葉生無根海水倒卷飛崑崙紅桐十番今尚存神農

不敢製爲衣倉頡不知造作紙吉祥菩薩開鑪煉石不敢取  
作薪又何况一天王三君子五大夫及百蟲將軍我雖不見  
可無憾嘗讀先生歌云云先生之歌感慨悲此非皮相所能  
爲歎息斧斤斫爲松柴親近文字題爲松牌松壽不知其幾  
也柰何與麟皮作鼓龍皮作扇同此災先生曷不去吟御溝  
楊柳都堂槐或者曲江杏孤山梅而獨短衣匹馬過輪臺田  
園將蕪胡不歸濡染大筆題此抑塞磊落之奇材其奇也若  
此客有歌於南山之北北山之南者余焉能屬而和之哉客  
曰否余曰諾皮不存詩乃作

南山松皮歌

并序

龍鐸

由伊吾

卽哈密

至鎮西

卽巴里坤

路漸上漸高八十里至南山口

遍山積雪終古不化車馬視轍跡而行否則陷入雪窖竟

至滅頂兩厓多松林天者喬者皆梁棟材也南山之北口  
數十盤折而下又廿里至松樹塘則止宿處也土人出售  
松皮有厚至二尺許者色若脂脂文作雲霞迴薄之狀好  
事者用作聯額人都不識洵稱異觀因歎此松已閱數千  
萬年而終不免斧戕致驟下燒去爲之慨然作歌

人生懶出門誰向窮邊走伊吾望南山郡峰雪近斗鴻荒  
初闢此山開此雪卽隨天地有車轍馮蹄遵道行溝渠澗  
坎模糊平偶然陷雪莫能救古稱雪窖非虛名厓顛青松  
穿雲隈上有太古羲皇苔東林西麓丈人立滄桑閱歷知  
幾回秦皇五大夫漢武三將軍視此羅列如兒孫撐拄雪  
窟凍蛟舞偃蹇銀海靈鼈蹲此行賞松雪清超乃奇絕轉  
欲且徘徊淒風寒似鐵下山陡峻百折盤半麓一關封泥

丸回看落日照雪嶺祇見積雪不見山廿里名松塘山家  
聚處成一鄉出售山中物雪蓮花共阿魏香就中一物口  
罕靚霞雕雲刻胭脂繡問之乃是古松皮或尋或尺隨人  
購我不知山樹擁腫大幾畝仙鶯血色松皮二尺厚吁嗟  
乎空山無人方自壽飽經霜雪龍鱗皴拉雜摧燒伐作薪  
如何一旦遭傾覆卻看松皮如絳雲裁作門榜新且文賦  
如紫玉風雨潤懸之粉壁虬螭奔昔稱才大難爲用萬古  
冰霜一春夢問天何術避摧殘冥心歸臥華陽洞

爲人題海市圖

彈指華嚴見也無恒河沙數萬須臾不愁海市難長在尚有  
人間海市圖

水精宮近市無塵一物猶堪直萬緡幸未許時吹散了不然

航海更多人

人海浮雲宦海風真成見慣老司空但供吟嘯休祈禱笑殺  
登州百歲翁

水綃織水水生花縹緲虛無未有涯除卻題詩作畫處更無  
實地可移家

我是前身杜牧之車乾海水洗相思只愁驚起潛驪夢摘取  
明珠市此詩

兩樵翁言張八刺史家人製餅最佳許轉相餉久而不  
至戲爲詩索之

索米長安米無價索餅長沙餅如畫文章豈慣噉虛名親戚  
猶當劇情話先生說餅譽餅師許我相侑青花藝漱石以須  
嚼復嚼乞鄰而與遲又遲多應記事珠難省乃以金錯刀爲



請不用豐華排作筵直須饜饕銘其鼎臣雖流涎臣朔飢食  
古者化食言肥險比題餽自惆悵瘦同飯顆還獻歛子公之  
指幸無迂孝先之腹猶堪鼓若肯雙驍玉女投定教八尺金  
剛舞紅綾夢斷已多年黃絹詞成不直錢願從五日求京兆  
勝似三春宴狀元

前詩亦口頭禪耳適雨樵居士書至云有散花小劫致  
誤齋期仍當於三日內設無遮會以轉食輪不佞墮雲  
門文字中結習皆成罪過請於此下一轉語

爾時佛在舍衛國毘鉢城中來乞食祇疑法喜梵迦夷誰知  
示疾維摩詰低眉試問意云何鉢緣未至宰堵波借花獻佛  
法王法將酒勸人魔女魔龍樹菩薩散生債周妻何因皆爲  
累一夜偶忘瑪瑙盃三年方得珍珠佩乃以舌示婆羅門不

作妄語微妙根取彼四界色香味了此一切貪癡瞋我有普  
賢十願海如是音聲自懺悔夫人既許麩可磨和尚敢云詩  
不改有句無句鑽以禪更願餅大如蒲團圓通法在三摩地  
歡喜心生八部天

謝餅詩

爲狃嗛嗛食曾封咄咄函封占需宴樂偈誦供莊嚴不托名  
仍在無遮會未芟乞醯與以或得酒立之監卜夜蠅方集消  
寒鳥自餽工夫勞騎驛滋味助酸鹹鐵網張吳沼銀泥擅魯  
巖潔疑人傅粉圓比鏡開械刺史腸甯惱佳人手自摻豬肝  
因我累羊腓讓他饒性不食羊而座有此味借此籌成箸求來卷作帆  
何須呈十字誰肯守三緘湯沐分新邑油香染舊衫僮疲身  
漸倚賓醉語初僂口角涎猶拭牙根慧欲嵌撒鹽資嘯詠割

因絕譏讒帖裏花開非墟邊杖削杉發棠啞再請報李槐空  
銜紅餞春如夢青鐙與不凡歲時荆楚記修狀韻探咸

衡山景行圖詩

吳江陸景裴明經嘗作行看子爲衡山景行圖蓋景  
裴爲明文待詔之所自出而圖適成於浮湘之時因  
以爲名余旣同作楚客又送將歸辱欲題詩心緒振  
觸此圖未攜行笈乃先錄稿一通付之

夢到衡陽第幾峰雁聲飛出古芙蓉殘碑碧落山如笑故里  
紅欄草自封讀破九歌驚楚客劃開雙槩怨吳儂荻花楓葉  
空消息我亦南禪寺裏鐘

八表停雲記此門風流文采感猶存蒲輪尚憶稱徵士蓋曰  
真宜作外孫令祖元萼先生於乾隆丙辰召試博學鴻詞  
後官丹陽縣博武進劉文定公贈詩所謂捉將

官裏做人師者也 菰菜鱸魚聊寄意美人香草可銷魂幾時得共天  
隨子再叩船舷寫一樽

三萬餘頃成小別七十零峰懷舊遊賸有高歌搖五嶽更教  
異代望千秋畫圖渺渺香能接昏嫁恩恩老未休會乞龍威  
丈人句便從縹緲訪岫巒

兩樵翁  
先有詩

久旅忘家絕妙詞字青石赤也傳疑十年芋火仙無骨一卷  
茶烟鬢有絲蹤迹蕭條吳楚越生涯淡蕩畫書詩從君借此  
瓜皮艇烟水蒼茫獨去時

### 古雪山房詩爲雨樵先生作

先生謫官輪臺面靈山築室而居杜拾遺所謂窗含  
西嶺千秋雪者物莫古於此矣八年而返戀不能忘  
屬余分書榜其室曰古雪山房系之以詩

西天青山飛北海黑水決中有一畝宮迢迢古離別胸次何  
崢嶸眼前忽突兀熱拋七品官冷看千秋雪始爲袁安僵旣  
作蘇卿齧一笑天花開花心壓山骨問君來處來所見見此  
物問我去處去所聞聞此說當其集腋時乾坤未分列不知  
山先開不知雪後結有雪山則靈有山雪不滅乃至無無山  
亦無無雪絕凍劫十種仙老叅三世佛九點齊州烟一九秦  
時月於此住一客閉房數晨夕皚皚稱雪子索索頌雪格昆  
明池底灰比之則太黑長安市上塵比之則太赤言粉則已  
蒼言泥則已石忍而與終古猶白雪之白直教入味清恨不  
十年謫綠盡入藍關遂與此境隔雪堂無故釘雪車有覆轍  
雲海變須臾冰山限咫尺曾穿東郭履未卜南邨宅古風接  
混沌今雨感疇昔禁體詩纔成消寒酒方劇人間梓樹青天

上桃花碧

張八刺史見索餅謝餅三詩寄聲兩樵將邀余爲雅集  
雖復嚼未遑而加餐可念再附二律爲謝

餅餌風香驛騎塵直教千萬買芳鄰枯腸敢詡搜無敵食指  
居然動有因轉語香留牙後慧高歌酣望眼中人生慙斗麩  
封題客日映空函寫未真

六鈞弓重許傳觀能把吟箋換食單有甚畫眉開闕早無端  
攘臂下車難也知好語聞談士深恐虛名累長官他日揚州  
騎鶴去袖中還有聚香團

雪夜柬雨樵

冷殺湘鴉憶舊巢天花開向柳殘梢漸知簷角堆成片更訝  
牆陰聚作坳壺漏了冬思酒漉寺鐘迢遞與詩敲不知鐵甲

三城戍白戰纜收幾劒鞘

昨朝古雪補長歌惹得今宵雪更多山入西天寒有影水流  
北渚老無波馬蹄恰向愁時擁鳥爪難從冷處搓轉笑天公  
閒好事全輸此局待如何

平生讚雪語牙牙忍把華嚴法界遮色相近窗狐拜月音聲  
著樹雁彈沙送無黃鴨千鑪炭埽有青鸞一帶茶我夢霸橋  
驢子背袁安不做做劉叉

旗亭壁上興誰耐我輩猶能作坐談報瑞版中纜答五消寒  
圖裏未過三敝裘年月功臣表凍筆輪回彌勒龕忽憶麩堆  
金井句旃毛併咽味九甘尚隆之對雪云麩堆金井誰  
調湯餅時方作餠詩故戲云

詩去而雨樵折柬來亦有七律四篇見示喜其不約而  
同也走筆依韻答之時余將俶裝歸未篇兼誌別云

詩律衝寒酒陣降，蕭晨堅壁夜開窗。  
老留巨眼花非霧，瘦竄吟肩筆可扛。  
上客琴絲彈別調，都官蓑影畫空江。  
水精眼夢知何限，難得抽豪我有雙。

豆蔻梢頭未卷簾，芙蓉幕下且巡簷。  
論兵山聚當年米，洗硯池通此味鹽。  
蠟燭乾時灰亦冷，酒杯空處海難添。  
如何十指排籤似，忍俊春蔥兩手纖。

初試茶烟渴可消，不須檀板侑蘭肴。  
香迷蜀客雙心鳳，凍立湘妃一背蛟。  
拂紙雲烟生座右，開門星斗見林梢。  
西師未解還惆悵，鐘鼓園林感故交。

竹頭木屑路紛紛，妍唱回環險韻分。  
漫道曲高愁和寡，忽如興盡欲離群。  
露盤迢遞懷中月，水柱玲瓏水上雲。  
若憶梁園舊賓客，幾時樽酒共論文。



泚水齋詩集卷八終

餅水齋詩集卷九

大典舒位立

上章涪灘

文待詔停雲牙印歌爲景裴明經作

不見停雲人猶見停雲字米顛書畫船蕭何刀筆吏搏象用  
全力雕蟲出餘技其體錢稍寬其篆髮如繫珠露垂非秋璧  
月抱作珥朱文相綢繆碧落共遊戲狡獪具神通結構工次  
第拾牙猶有慧削鐵殆無繼心取一陶詩面刻兩唐隸洞穴  
闕中央輪廓缺左際當年百鍊求此日一屣棄割則刀豈鉛  
亭乃帚始敝明經母氏文實維待詔系不見停雲人猶見停  
雲裔收藏此圖章示我有深意摩挲至再三流落無一二旣  
以罕見珍矧且親自製不惟文采存兼亦精神寄熏以一辨

香貯之三重屈元暉得古章陽冰參絕詣摹印魏操刀敘詩  
悵鼓柂烟雲眼又過泥雪爪難計所期魚尾修惠我蠅頭細  
不見停雲人猶見停雲記

歸興

記作長沙客來時是去年兩開籬下菊一唱府中蓮支料叨  
分鶴當歌熟聽鶻三生香界住結此別離緣

臣里東牆笑君山北渚愁衙官騷一部詞客淚千秋燭跋催  
高詠刀鐔感浪遊鳥啼山杏樹人掉木蘭舟

千佛經猶在三宗論未成禪機墮文字棋局劫功名嚼蠟原  
無味磨輒倘有情云何西笑意的的未分明

薦士書何處從軍筆未乾昨非今豈是進易退尤難杜甫尋  
常債主晞爛熟官銀鞵金搭膝償得幾寒酸

遠訊雁鴻外私情鳥鳥餘草暉誰報蒼菽水此馳驅天際舟  
初識堂前夢不虛平生論巧拙齒冷賦閒居

杵臼梁鴻廡烟波范蠡鄉詩人歌蟋蟀流水寫鴛鴦歲晚遊  
真倦歸遲話轉長鯉魚三十六未抵一黃羊

自喜還家近誰言去路迷避風辭楚北計日出江西更指嚴  
州埕仍沿秀水隄梧桐鄉裏月曾照鳳雙樓

試問江潭樹如今又幾圍雨聽風葉下霜見雪花飛地迴依  
人慣天寒送者稀沅湘香草綠誰解贈當歸

湘西雪夜與王大仁甫話別

仁甫時權  
澧州判官

蕭郎白馬舊從軍一檄飛揚兩袂分細柳絲邊還贖我妙蓮  
華裏忽逢君離愁併壓孤篷雪情話重停別館雲珍重者番  
官樣紙數行須直萬香熏

依人試吏各蒼茫直得相逢一笑恹此地衙官如屈宋當年  
夜雨共瀟湘温韜金搭初捫膝杜牧珠簾祇斷腸我是倦飛  
秋社燕夢殘王謝舊時堂

春渚歸艍啟尙存白雲天際望龍門官居猶近東坡閣賓散

誰空北海樽

疏雨先生  
時守登州

乍喜折梅逢驛使偶爲芳草怨王孫

但教他日郎君貴行馬何妨老弟昆

吳根越角寓居偏愛買湘潭上水船別與彼時沿作例去仍

此路熟爲緣

余與仁甫黔楚兩別皆在仲冬時  
皆有雪又皆自醴陵建豫章至浙

采蘭嫋嫋州

無蟹行李恩恩樹有鵬今夕詩成當記取燭花前後酒花邊

奉別雨樵先生

曾從滄海抱琴回又詣雷門打鼓來不在低眉捐故技果然

開口歎奇才

先生初贈詩之第一句  
云奇才筆百不愁

摩挲風雨雙鉤劍跌宕

湖山一酒杯試現此身常說法妙蓮青向宰官開

異鄉同調對苾苾不許旁人說短長

時編湘西酬倡詩詞爲同調集而先生與余仍

兩序

天下英雄誰易與生平知己此難忘心相印處絲堪繡

手自鈔來錦作囊他日中州編集者谿南辛老鬢毛蒼

共來蹤跡兩萍浮獨去心情一水流江上客星尋舊路天邊  
卿月照新愁相期卜宅陶元亮難得居鄉馬少游冷笑衡陽  
峰外雁飛回猶有稻粱謀

行路一首再酬雨樵

學書學劍皆不成去學行路重行行居然足跡半天下時聞  
杜鵑三兩聲東塗西抹南北走一囊驢背猶嫌輕有時覓句  
私自笑豈凍可服饑能羹舊年還吳復入楚某山某水一再  
經屈原既放賈誼少不意於此逢先生先生行路遠於我屐

齒所到詩俱迎方欣吹籟唱同調俄而扳柳嗟長征短歌送  
我既慷慨復有細律霏霏清贈人以言愛以德令我感歎心  
怛怛嗟我讀書本少得除此以外尤無能飢寒既至文字老  
甘旨恐缺筆硯精所求止此他不計矧非我力能縱橫小儒  
未讀十三經謬以科甲爲功名雞蟲得失天大笑且勿論失  
得亦平玉堂仙人畫省客彼有後福兼前盟其次三斗五斗  
米藉口毛義陶淵明豈知作吏大難事古之百里稱專城吏  
亦未讀十七史謬以簿領爲農兵割以操刀我之技擠而下  
石人之情誰掉慈航入宦海譬則長夜無鐙檠先生彈冠治  
繁劇舊路歷歷崎嶇程廿年既攬宰官綱萬里忽倒孩兒紉  
偶然談虎色亦變焉知失馬魂猶驚浮雲富貴已空幻并此  
不得將奚營我謂官如弈棋耳先生此局無輸贏做官做人

日三復來詩有做官更  
比做人難句語可爲佩心彌傾長言不足詠歎出  
行路行路思躬耕他年相見勿道晚寶刀夜夜雌雄鳴

別景裴

人生聚散何茫然仙家稱劫佛曰緣散者再聚事難必理所  
不解情能傳君先彙筆關隴外我方投筆牂柯邊當其天涯  
而地角豈料今日相周旋無端泛棹共來楚旣來復去尤無  
端類皆爾我難自主亦不與佛兼非仙旁邊揄一鬼笑暗  
中傀儡千絲牽雨樵先生頗好事時以舊筆書新箋我旣見  
獵輒有喜彼亦轉戰殊無前自從倡酬積卷軸棄之可惜留  
之難君乃搖豪爲鈔撮上元細字如蠶眠今朝雪霽大歡喜  
冷詩熱酒溫噉天題我新詠用我韻衡雲湘雨懷前賢吾瞽  
生世鮮百歲其慮遠在三千年海邊釣竿山上笠彼此名姓



相牽連君且小住香草國我且歸掉沙棠船緣深劫淺會相見願君痛飲還加餐

湘東鎮見梅花

湘水凍玻璃到底不及尺低頭波未綠擡頭花已白花如開鏡中數點不可摘浮香清鶴夢照影壓魚脊昔讀離騷經此花未采擇楚詞無梅短艇雪後來偶然見姑射相思隴頭人一樹吹橫笛沙岸暮沈沈寒鴉送殘客

萍鄉道上作

行行重行行何似萍鄉萍三朝三暮上下水十里三里長短亭車如雞棲馬如狗三年皮骨空奔走桓子劉郎柰若何前度桃花昔年柳光陰似箭天張弓日月兩丸飛海中浮萍君不見浮萍又過萍鄉縣

泊舟閣皂山看雪竝寄雨樵

挂帆宜春臺卷帆閣皂山山花散天女夜半來  
嫵嫵曉弄小粉鏡瑤簪排霧鬢流盼兩銀海縹緲  
虛無間客擁布衾鐵春夢不可關雞聲隔  
茆舍篷背如弓彎空山有流水宛轉碧玉環

茲山何以名顏色黑於皂施粉則太白不如本來好  
昔人悲染絲一入不再縞我亦浣衣塵緇者長安  
道澡豆如予何相逢苦不早金成河可塞麻姑雙  
鬢老玉立新崢嶸鐵圍舊柺桡誰將瀛洲雨飛灑  
蓬萊島又如卓文君彈琴怨凡鳥一唱白頭吟  
遠山不能埽

聞聲疑雨聲對影疑月影推篷破疑圍一雪四山  
靜頗憶定王臺有雪三萬頃險韻仆鼓旗劇語調  
湯餅更爲古雪歌蓮

花夢香冷離別已三商清涼又一境開船駒過隙削札雁回  
嶺凍眼送積雲思君轆轤井

豐城劔池行

鑄劔鬼神泣埋劔蛟龍愁雌雄夜相語后土夫人不肯收上  
訴真宰九萬里斗牛之間盪然起鬱鬱古花綠英英元氣紫  
電絲霜片射眸子石破池空劔光死干將莫邪翦鷓鴣龍泉  
太阿秋水飛華陰山前一色土天風書書妃呼豨柰何一躍  
襄城馬再化延津龍車乾海水見底空黑灰慘澹雙芙蓉陰  
陽不濡鬪髓血上天入地無分別十年霜雪爲誰磨兩氣金  
銀凝望絕君不見豐城劔池有一穴

徐孺子墓

思賢亭外舊松聲腸斷功曹一榻橫曾讀南州高士傳喜無

東漢黨人名蒲輪委巷來遲暮祭酒天涯隔死生如此風標  
今更少西山殘照不勝情

桓靈之際道雖窮知遇猶然屬數公抗疏功名憶胡廣班荆  
言論見茅容朝端大樹繩難繫門外生芻谷亦空若遣中郎  
碑有道也應無媿郭林宗

除夕泊衢州城外

夢想青霞好洞天重來飄蕩又今年載人夫壻還鄉少腸斷  
江山縣裏船

三衢燈火水粼粼鬢影衣香隔夜春今夕連檣江上泊世間  
大有未歸人

重光作噩

自龍游渡江輒爲小詩書於船窗

臘雪凍猶積春波淺未生龍邨人不見兩岸轆轤鳴  
新婦岩前月初三夕影垂江流蕩明鏡上下雙蛾眉  
蘭谿水最清桐廬山更好置身山水間何妨行路老  
袁州隱袁京嚴州隱嚴光逃名不逃姓故人非故鄉  
羅隱江東去方干巖際居早知釣詩苦何不學釣魚  
鬻弓射潮頭錢王一何怒王如不射之潮亦終須去

皋亭山

皋亭山下雁初征羅刹江頭潮未生一嶺鳳凰收王氣半堂  
蟋蟀死秋聲時危可笑纔開府事急何妨且背城略似數峰  
青峭後至憐南士盡虛名

鶯脰湖舟中逢雨憶慧園師詩有吳江二月真堪畫柳  
暗花明鶯脰湖之句正此景也時方作張掖書寄師因

卽事奉懷云

向晚扁舟聽鷓鴣十年鐙影落江湖那從暗柳明花處補寫  
吳江二月圖

隴首飛雲隔幾塵梅花羌笛弄青春杜陵舊雨還惆悵況是  
當年載酒人

清河雨夜沈松廬觀察席上出觀所藏管夫人畫觀音  
真蹟長軸走筆作歌

酒酣以往河有聲又開黃絹挑青鐙低眉忽現觀自在押尾  
自書管道昇人間不見一切佛以意爲之得彷彿衣上猶拖  
南海雲懷中儼抱西天月細叅色相尤莊嚴牟尼纓絡相穠  
纖落手已知管雙下駐頰不用豪三添我生未受菩薩戒少  
所見者多所性似此樓臺彈指尋不妨衣鉢低頭拜三更卷

畫濕鼓搗主人留客胡牀斜乞將甘露灑楊柳會有香雨飛  
袈裟

滕縣

滕於七國際壤地誠蕞爾計絕戰守和必自仁政始法雖未  
可行事出不得已實欲借虛名飾智驚愚耳否將爲真王何  
待王者起固知孟子心在彼不在此許行一楚僮來爲反間  
使父老話農桑安用親耒耜赫赫者無功沾沾者自喜慮始  
難圖終齊楚兵至矣

趙北口有作

爾許微波著點塵塵紅波綠兩層春五年蹤迹全無我三十  
功名大有人種亦思量前度樹徙誰忘記後來薪驢夫狂走  
漁翁睡動靜居然各有因

宋宮人餞別汪水雲處

金臺秋老視刀鐙醉殺斜陽上酒顏四塞山河新杜宇六宮  
詞賦舊陽關梅花信好憑誰寄楊柳烟銷忍更攀二十九人  
都是客不堪疊唱念家山

來時荆棘臥銅駝天上星辰一刹那水雲留北十二年別淚可能填

碧海夢魂從此渡黃河南朝詩史青山在北鄙琴聲白髮多  
爲問會稽唐義士冬青花發近如何

汪至山孝廉兩室遺挂索題一爲原配氏許錢塘人其  
繼娶宛平氏王余之從甥女也

錦瑟無端一再彈畫眉容易返魂難烏衣門巷曾相識青鏡  
年華忍重看肯向湖山招一鶴至山時未有子最愁烟霧隔雙鸞香  
鏡悵望靈符祕縱有仙山亦渺漫



分明夫婿是秦嘉。別詩人感木瓜。少女風吹他日淚。孝廉船去此天涯。填平精衛三生石。放下文殊兩手花。正是軟紅塵撲面。年年金線費韶華。

曾送鴛鴦蕩暮舫。簫聲帆影語兒涇。壬子至山贊壻石門市月借婦還杭余作詩送之有一亭風笛逢簫史。百里雲帆送火喬之句。十年甥館如前日。半世妻宮有短星。紀事尙留銀筆在。招魂誰挂曲瓊聽。好將一片邽山石。鬱鬱深深自寫銘。

楊忠愍公祠

不上需頭乞郡章。殘豪重埽一臺霜。力排宰相冰山冷。聲撼郎官鐵鎖香。九廟灰飛無劫火。兩楹血食此斜陽。讀書種子何曾絕。愁殺鈴山舊草堂。

塞上和戎厭鼓聲。閨中抗疏撤釵筓。三邊債帥騎無主。千古

忠臣烈有妻仙籙荒唐天  
左右朝衣慘澹市東西  
玉熙事事堪惆悵碧血  
何時化紫泥

詠史絕句

絲竹東山且漫論青青  
小草謝公墩香囊旖旎  
圍碁劣惟見先生屐齒  
痕

炊粱殘夢記邯鄲纔得  
升天又降壇小說神仙  
麻樣列似渠進士出身  
難

成佛生天定有因六州  
難鑄利名身不知地獄  
從何設正好容卿一輩  
人

天門

天門誅蕩立斯須笑比  
蒼蠅貫作魚入殼略同  
三語掾出身已廢十年  
書階前誰鑄溫韜滕寺  
裏難尋謝客鬚讀破相  
牛

經一字馬嫌神駿鶴嫌癯

入廡修容且未工升堂屏氣恨難通官階袞袞諸公上人表  
茫茫九等中豈有衣裳憐范叔竟無妻妾譽徐公黃綢被煖  
青氈冷兩種情懷一種空

本來色相是因緣看殺楞嚴十種仙成佛定居靈運後著鞭  
已讓祖生先三條蠟燭燒無力一樣壺盧畫有權誰信美人  
滿堂在纖穠修短各天然

曾爲軍曲遠從征豈敢詞場久噉名責我頭如秦子羽看人  
面作謝宣明六千君子半揚鱗四十孝廉多老成不分出門  
西向笑依然風雨聽雞鳴

雜詩

選佛場連造勝天春風人海引虛船故廬若在南山下何必

襄陽孟浩然

一分太短一分長玉尺從頭細細量畢竟暫交能食粟何曾飽死漢東方

千金馬骨水猶寒付與司風令史看如此陶潛纔五斗故應代米要人肝

四十纔當舉孝廉種鬚方法頗三添只知公喜公還怒絕倒參軍一片髯

擬向西京賦夢華金釭二等卜燈花先生莫厭牛心炙尚有盧仝七椀茶

論語曾藏半部無年來考据太疎燕李聃彭祖老難死錯認商朝賢大夫

三策生吞董仲舒一篇謬薦馬相如漢書盛在瓠蘆裏且向

瓠蘆讀漢書

爛熟蕭樓半秀才天臨海鏡重徘徊者番名士真如餅畫  
空空一腹來

舜典原從堯典分古文稍稍異今文可憐歐九未嘗學如此  
僻書休誤君歐陽公知貢舉日有士子問堯舜一人抑兩人  
公徐語之曰此等僻典君既疑心不用亦可

答懷王疏雨太守登州

三年不見宰官身我是蓬萊閣外人五馬峙嶮勞悵望雙魚  
迢遞枉音塵後堂絲竹餘房老東海神仙入部民還有坡公  
遺賞在青銅摩出舊紅輪

銀鉤書盡衍波箋飛鳥相依自可憐銅鼓詩敲羅甸國玉簫  
聲送杜樊川詞場鼓吹無前導宦海波瀾有左遷惆悵平原  
門下客買絲難繡落花天

題仲瞿落花詩後并送南還

衣袖無香帽有塵  
風風雨雨見花神  
中年絲竹銷魂曲  
下第文章薄命人  
帶水拖泥非昨日  
亂頭麤服是前身  
柳眠杏鬧  
千何事添得愁來減卻春

留春無路送春還  
悵望千秋不可攀  
刁斗擊殘猿臂將  
琵琶彈出雁門關  
人間兒女癡三月  
天上神仙老一班  
手寫江潭  
枯樹賦杜鵑聲裏有青山

菱歌猶在若耶谿  
來是空言去轉迷  
十里蘼蕪山上下  
兩溝楊柳水東西  
樽前藍尾逡巡醉  
鏡裏朱顏逐漸低  
三十六天  
空讚歎不會留此一枝棲

走答仲瞿留別之作卽倣其體

春老一船東  
飄然廿四風  
江聲悲謝朓  
花樣送盧仝  
燕子誰

門戶爰居尙鼓鐘陽關凡幾疊爾我太萍蓬

鱗爪談龍錄皮毛相馬經文章三里霧親戚九州星夢與詩  
離合愁兼酒醉醒城南天尺五已是短長亭

吳市簫吹徧湘潭花落初青衫濕司馬紅杏開尙書古鬼晴  
難換新人爪不如明知王勃後舍我更誰居

庾信園何在梁鴻廡又還淵淵鐵如意宛宛玉連環夜雨西  
窗燭秋烟北苑山教渠休畫餅去畫兩眉彎

仲瞿婦雲門氏  
工畫時方讀所

寫寫峰  
秋影圖

### 辛酉六月紀雨

黑雲連天黑到底南西門外龍掉尾折而左者三十里國人  
皆曰水至矣未知星向何垣流不識雷從何處起夜聞聲隆  
隆朝見勢瀾瀾天心欲闕阿修羅月額忽占雌甲子兩人提

鼓出烟雲一女披衣濯紈綺陰疑於陽戰所由以石補之豈  
其理初一初二始雨水初三初四水如海稍止復作仍連絲  
或密而疎乃屬委久謂之淫淫則霖霖霖霖不勝紀居者  
踏浪舞於庭行者乘船入於市雞窠老人向我言有生未覩  
雨如此紅龜黑蜃白躡豕無萬青蠅滿而止飛鳶跼跼魚筵  
筵宿麥新穀何所恃我時過夏最無俚衣裳有苔竈有鯉一  
日亦三思一夕亦三徙土崩瓦解棖棟圯夜來夢惡天壓己  
請公入甕殊可憂掀公出淖良可喜何不割取乖龍之左耳  
鞭起燭龍躍出滄海裏不然壯士挽銀河兵馬卽從今日洗

題太公釣渭圖

舊勞在外殷高宗傳巖之野識一備用人不次衆所忌詭託  
魂夢天心通殷人尙鬼設神道投其所好而民從大索天下



日惟肖暮棄版築朝登庸不然古未立畫史誰歟彷彿摹其  
容就令夢醒自刻劃安得記憶如斯工古人作事寓微意傳  
神正在阿堵中後來西伯善養老卜者承旨占非熊獵車載  
還鷹眼碧釣竿擲去魚尾紅陰謀所祖未足信故智入夢將  
毋同至今披圖尙矍鑠與騎箕尾同成功風雲嶮岨起屠釣  
出身何論低英雄

雨後

一雨忘三伏天晴忽已秋此中惟洗面隔屋見梳頭得句猶  
嫌濕清談想枕流銀河今夜影真欲笑牽牛

簾卷湘烟綠衣熏衙濕香梁禽爲客久庭草似人長一粒太  
倉粟三生弱水航種桃狂道士何不種紅桑

只此衲衲裏親朋絕往還國中千里馬城外九龍山辱亦泥

塗入愁應鬢斑杜陵營廣厦毋乃未歡顏

河西務雪夜偶題

小住河西雪打門  
轆轤惆悵此黃昏  
殘詩著手新泥壁  
濁酒開顏老瓦盆  
蠟燭送寒蟲  
絡索熏籠催夢蝶  
温暾來朝霽色  
恩恩去記得飛鴻爪一痕

天津縣齋與丁秋水孝廉溶話舊

河塞金成鬢有霜  
百書一面太蒼茫  
前期明月思君夜  
往事春風結客場  
車馬各添新轍迹  
龍蛇難捉舊文章  
盈盈丁字沾中水深淺  
離愁試較量

桃花口外涼  
初平乘輿呼船  
向此行兩片閒雲  
聊際會一簾  
殘雪甚分明  
中年絲竹期功慘  
哲昆仙槎今秋宦  
從兄柳堂課鹽粵東亦經下  
世小別江湖  
夢寐橫不道相逢  
捐故技翻教此態  
感重萌

最苦離羣絕徼邊城南尺五去如天軍中露布慙王粲車後  
塵囊憶鄭玄銅鼓敲詩三萬里身紗修史四千年秋水方從  
事十七史  
何時歸卜南邨宅晨夕相從共一編

出處商量定幾回書生末路一官催邊韶不負五經笥龐統  
真非百里才理縣譜成童僕喜登科記老姓名猜今歲春試  
禮部誤書  
其名  
於冊曲江紅杏年年開未抵河陽手自栽

振災行竝示沈小如明府

今年夏至不沒狗北河以南開兩口白露未降烏雲垂驅水  
赴海海不受海不受水水亦不肯流一雨三日龍擡頭天津  
於地最卑下人最稠相驚以水聚族謀或築水間牆或牽岸  
上舟葭葦可席樹可樓一壺千金要而浮當是時者城之不  
沒三版如防秋嗚呼九河故道既已改濕氣淋漓訴真宰七

十有二沾溝澮盈涸立難待已失先時捍防之策徒有後事  
障迴之嘅將軍騎馬以乘船縣官彈琴志流水

皇帝哀矜百姓由已溺與飢急遺繡衣使者四出乘傳如飛  
視其被災處所無等夷開倉以發粟塞土以築隄濕者乾之  
瘠者肥凡諸園林漆廬租稅皆免之使者宣詔吏奉行民  
呼萬歲如水聲今年河可平明年田可畊秋賽社冬打水天  
能殺之君能生曰不惟望君生亦望諸大夫郎吏相與以  
有成君不見關東巨舶破浪至山左河南粟相繼天災非災  
民利因利鴻雁無聲龍蛇有地見民情和民氣日計不足以  
月計乃知殘吏放手不可爲努力加餐作良吏

東沽旅次留別小如

西風獵獵轆轤鳴冷向天津道上行入境水痕知漸退近船

米價未全平遲聽東里三年誦老待南山一案成驄馬去來  
皆傳舍部民都愛長官清

暑雨祁寒兩怨呼螺桑三見笑麻姑胸藏循吏名山傳手寫  
流民粉本圖近海不妨言水利開倉況又減田租不知荒政  
書成後膏澤能流第幾沾

治譜從容法網寬雷封百里海遮攔庭前日影眠三木郊外  
風聲探兩丸不爲飢寒甯有說稍施條教似無難平生熟記  
西京事只信龔黃是好官

殘冬冰雪話相思屋漏中來笑我遲花散河陽逢小劫來時  
疾琴飛滄海怨長離魂銷豈爲思鱸膾腰瘦真難食小如糜還

記十年前事否潞河燈火泊船時

寄輓沈松廬先生

最憶袁公浦春風上水船遠行如一客小別已千年欲遣誰  
堪此將疑抑信然隻雞斗酒約能不痛橋玄

解節敦移疾抄方驗養生出山傳 詔促治水奏河平地尚

留棠憩官應比濟清東方千騎在腸斷寫銘旌 公養疾禾中

尋加按察使銜其明年授山東運河道備兵蓋命下而公已辭世矣公於運河凡三授再至云

回首鳳皇池先生下第時旋披青瑣闥兼領白雲司溫室三

條燭都官七字詩軟紅車馬地無此出塵姿

昔作軍司馬東山戰氣銷燕然遺古愛鳳諾接 先朝隆乾

中公佐相國舒文襄公平壽張高廟擢公監司嗣以憂去東河帥蘭公奏允起公仍補運河至是今南河帥吳公復

奏起碧落侍郎夢青州從事招南雲凝望絕無分會吹簫

我亦浮萍耳慈雲久倚閭文章遠海上房室盛年餘繞樹飛

鳥鵲加餐得鯉魚至今懷袖字孤負此渠渠 余僑身成偶與友人書云北張

融之來建業彼尚多此一舟若相如之返成都我并無其四  
壁先生見之即以南花橋老屋借居且寓書曰但住無妨且  
行勿顧所望泥金之捷先賁蓬門耳乃舞鶴環  
瞻而騎鯨汗漫今之視昔不禁清淚闌干也

捫蝨從情話啼猿動遠愁老兵傾北海華屋唱西州事久詩  
多註途窮淚未收人生知己一到此恨難酬

昭明閣內史作建安七子圖竝寫甄夫人於左頃寄示  
索詩爲題三絕句

怕人猜作竹林時別寫芝田一面姿比似西園傳雅集雲鬢  
絕勝晉卿姬

一十三行夢洛神同時猶得見真真故應未解劉公幹忍不  
低頭拜美人

更無繡虎儷驚鴻高宴南皮感未窮才子佳人齊下拜淚痕  
鉛瀉此圖中

讀論語詩六十首

辛酉六月京師大雨水僕所居書舍牆圯棟折其半  
瓦盡解僅以身免室中有書數百卷皆墮入泥犁矣  
明日徙居他室而雨浹旬不止門外水漫蹀巷無車  
轍戚友不復相往來坐臥斗室意思無俚隔舍有童  
子誦論語每夕聲琅琅然媿不讀是書幾三十年輒  
爲詩若干首歲暮檢篋中稿錄附今年詩後仰屋之  
勤見獵之喜不忍棄置蓋實自水光三昧中來也臘  
月一日天津旅次書

君不見霍光忽廢昌邑王伊尹讀何書但道生空桑乃有揚  
子雲作劇秦美新奇字識殆徧不識一字人舉此一大端可  
概賢親友已學無時無未學有時有



子禽問子貢窺聖一何小子貢答子禽論聖失之巧溫良恭儉讓瑣細不可考彼亦能文章焉知性天道

歌雍舞八佾肆業及之耳被以僭竊名猶欲留其耻後世加九錫不篡奪不止乃知古多愚所爭只如此患恒積於微事必謹其始途窮或倒行計急乃先指不好世上名甯畏身後史自從春秋成有亂臣賊子

了廟每事問輕薄已不少或之者疑之毋乃少正卯彼誠記醜博小人務知小宗廟大禮存顧第弗深考見聖廣諮諏心妬口尤矯幸然漫應之妙理證了了設皆耻問學典禮墮荒渺所以魯司寇殺之恐不早

問社投赤心報之以戰栗身列言語科矢口已多失各樹土

所宜松柏栗本一今文社作主

今文論語哀公問主於宰我

古文栗作栗

韓非曰土塗劉安曰用石戰粟至西方徐巡祖其說信如周使民義取粟主嚇請解夏后松再解殷人柏人正松猶容地正柏猶追本意或未然鑿空更何必何休解公羊實自張禹出杜預註左傳獨有剝炫叱

管子天下才春秋無與比惜遇齊桓公不過中主耳赫赫開霸圖厥功偉且駛若欲王齊國將奪周天子賴其戴虛文遷延八百祀所以拜胙生終勝請隧死此豈桓能爲必是仲所使大醇而小疵器小不知禮孟子論過高五尺稱羞耻豈知微管歎孔門有深旨魏徵田舍翁迹類管仲是乃百齊桓公敵一唐太宗

舜受堯天下謙讓或未遑武取紂天下數罪恐不詳功成各作樂八音奏琅琅丹朱猶在位武庚乃叛亾盡善與盡美其

閒誰較量孔子般人也從周意皇皇微言不可絕變事必有  
祥莽學周文公操學周文王漢哀法堯舜周武王學湯  
書寢既誤解短喪復粗看晚節太無憑忽助田常亂此賢何  
不幸千古具罪案來者豈難誣讀書思過半曾參且殺人顏  
回或偷飯陋儒不識羞甘與古爲難所以端木子發憤遊汗  
漫不受言語科甯列貨殖傳

書社封孔子有人沮之竟不應君子交作此小人行乃悟齊  
景公委靡由天性偶動浮慕耳未必心尊聖試觀避席前不  
過待季孟若竟舉國從何以處崔慶君臣父子間難與共爲  
政凶終有遠慮慎始無後病嬰也再躊躇譎諫本擅勝陰實  
全所交陽乃奪其柄果然齊景公傾耳能相聽有粟不得食  
接浙看破甌想當臨別時定有數語贈平生知己言太息人

而敬口稱平仲諡蓋棺以論定

夷齊忘舊惡經史軼其迹然而夫子言必非泛論白當年兩  
海濱避紂就西伯柰何太公望末路急不擇屠刀既放下釣  
竿亦輕擲揚騰眼霍霍呼兕口嘖嘖爾時叩馬來大義痛指  
斥此老壁上觀毋亦面發赤可憐養老時曾與共衣食木主  
今爲誰淒涼感嘯昔乃竟扶去之未嘗敘睽隔甯不見故人  
相待如惡客二子量固宏亦無一語責攜手登西山高歌出  
金石但愁太子發昧爽損周德不禁師尙父天明就齊國  
恭爲禮之一何至恭及足媚行頗趙趙長跽更齷齪銀靴鑄  
不成畫屨響難續剝剝起何曾橐橐聲不欲非跛行蹒跚非  
縛步瑟縮強或走以脛諂乃繼其躅古今同一羞刺促復刺  
促知耻者不始知足者不辱但據寵觚聽何爲圖聲讀

南面以臨民百官盡如此仲弓德行人深達簡敬旨刪煩而去慢慨然信可使譬如問爲邦將爲王佐耳又如折獄者片言爭已止擁書坐百城笑比當陽似豈有聖人徒閉門作天子

再求好聚斂波及朋友交挾母請師粟五秉聊解嘲豈知遠行客此其腹不枵就令重意氣何不自舉豪贈舟與指囷未聞人代勞德真比壺殮量乃盈斗笱乞鄰以與或是謂微生高

原憲則不然力辭九百粟憲也貧非病甯可食無肉鄰里鄉黨間亦是適相屬若因窮乏資不辨萬鍾祿凡人羞惡心半爲飢驅逐五斗或折腰一飯可失足所以憲問耻子曰耻也

穀

體駢角繭粟天牲祭配祖豈有天祖歆而謂山川吐犁牛實  
耕牛並無惡字詎生子能爲犧非馭料修伍聖人決其疑賢  
者聞而悟偶然師詔弟未必子戲父父賤而行惡此語鑿而  
誤後學或可欺先賢豈宜污

費爲魯巨防亦季根本地諒非閔子騫不足當守吏忽修卻  
聘書遂有移居議自歸汶陽田朝發可夕至心仍不忘魯迹  
已遠於費願乞善爲辭此正巧相避不然捧檄心甯不如毛  
義便去父母邦恐非孝子意

執手歎斯人洞見寸關尺若但采芣苢安用重惋惜乃悟黃  
農來人本具六脉白牖一沉吟攻之無藥石太息不能禁未  
忍見疾革先儒臆斷多謂有嗜痂癖癩耶卽癘耶古實無是  
瘦

郊外歌婁豬是男子好色圃中視蜚鴻惟男子好德消息隔  
傾城招搖闕過市意將示國人爲能用君子既釋蒯瞶疑亦  
掩靈公耻艾豸或不來雄狐或不死聖人於此時潛消禍患  
耳退亦有後言鮪佞宋朝美試觀王孫賈愆老婦祭面折  
無所禱卽是天厭意子路婞直人究未解此義故當絕糧時  
餘怒見辭氣何以彌子瑕瑣瑣爲道地美人不可思頑童豈  
堪比惡者不忘善淫者不忘貞女子或憐才婦人尤好名譬  
如唐武嬰最愛張昌宗及其聞國政不廢狄梁公南子之才  
略或遜武嬪娘南子之器識已過秦始皇

堯舜病博施非病博施術以仁帥天下不以天下帥乘輿日  
濟人抑何不憚煩死囚放出獄再繼良復難法無久不做理  
有常不刊可由不可知一十二萬年譬如彼如來普愛及於

物乃可人人僧不可人人佛又若道家流符咒今具存但見北斗極不見南天門

贊易綴小象於爻有獨悟公爲文作註子爲公作疏心苟有所通神必與之遇人雖隔古今事不異且暮泊乎三絕羣窮理以盡數子誠感蕭條公已欣託付撒手一卷書舊夢不再做公生於患難子長於道路小過如密雲大過如朝露孰令假數年公亦不再顧而況兩楹奠不分九齡祚麟何爲而來鳳何爲而去旣濟文公文未濟素王素

用行而舍藏正爲行軍地功成可酬知權解可銷忌此理裕疇昔要非咄嗟計若值太平時出處固易易內間郭子儀外間檀道濟千古此二途撫髀以流涕憶當聚一堂商榷具深契結纓不避難飲水早辭世虛生王佐才誤用英雄氣安得



楚大夫昂頭問天帝

桓魋殺孔子積慮操戈矛可避不可防賴有司馬牛假彼骨  
因親洩此肘腋謀微服出天意車馬仍周流乃知三千士必  
非無故收假蓋護其短能解司馬憂大哉聖人道默與造化  
侔以權處患難以德攻仇讐漢兵如子何死亦不識羞澡豆  
如予何戲更無相尤

十室必忠信三人得師保豈有此鄉中遂無一語好況此童  
子也年紀甚幼藐或此童子者乃獨黠而狡海無不容納山  
無不回抱惡人可祀帝狂士可入道世俗漫不知疑塵積難  
掃重煩口舌間反覆加品藻七歲師項囊彼既恠其小千里  
見李聃彼又恨其老

同姓爲昏姻於禮不應有何物陳司敗欲揚宗國醜一笑姑

置之彼仍退有口黨非君子耶黨君亦何咎矧惟吳泰伯兄  
弟采藥走周道重親親封侯此獨否誼已絕祖宗恩不逮甥  
舅既限夷夏防何妨姬姑耦此豈口舌爭引過惟恐後必欲  
強爲詞英皇當姓某

伯夷與叔齊力能讓一國泰伯與仲雍讓天下更力一讓稱  
到今三讓稱無得非民有異心海水深難測采薇憤易豪采  
藥痛深匿采薇死已遲采藥去頗亟聖人表其微忠孝貫契  
稷重耳與夷吾形晉獻公惑建成與元吉傷唐太宗臆盜爲  
有心人不作無賴賊嗚呼延陵季庶幾述祖德

武王曰人十孔子曰人九用九一陰生見羣龍无首吾聞牝  
雞晨能令玉馬走何以此婦人各共列功狗漏天靈媯補陰  
符元女守舜妹始作畫女狄始作酒天子試匹夫必用英皇

耦稼穡初生民尙頌姜嫄壽人間娘祀蠶天上姆居斗佛家  
觀世音仙家西王母古今數大事不出婦人手所以稱陰陽  
陽陰則不受亦無言牡牝而但云牝牡某月繫某日月先而  
日後地天則交泰天地乃否否以數對較之奇本不勝偶以  
身近取之左亦不敵右夫從妻所好風雨驗如剖名爲實之  
實內外定已久揖讓變征誅實皆由彼婦妹喜與姐已不幸  
逢其醜太姒與邑姜幸則享其厚當年散宜生飾女獻商紂  
洎乎周東遷烽火笑開口及西施沼吳姬姓從此朽此始必  
此終秦人有九有

博學無成名如君子不器射御貫獲禽子言亦非戲功高不  
受賞才大難爲用器或當晚成名乃有深痛犬吠夜夜更雞  
踞旦旦夢千載郊柳問偶然見麝鳳

才爲衆所忌文與禍如召蘭鮑不同氣貞淫各異摻始知畏  
於佳彼狂自作開攻德非攻名圍心不圍貌不然有若來未  
必如此肖就真載蔥靈行李豈盡冒卽使无妄災皆因陽貨  
暴遭宋與在陳幾爲陽貨笑

忽欲居九夷此語向誰白陋誠未能免急則豈暇擇學禮見  
鄰子采藥懷泰伯西夷文始基東夷舜發迹忠信涉波濤篤  
敬行蠻貊得雞犬桑麻勝鹿豕木石平地空自疑普天終不  
隔昔曾歎乘桴今乃思卜宅語非激使然事有逢其適遠東  
管幼安海外虬髯客

輕裘耀公西鶉衣嗟憲子同學洙泗間斷斷不挂齒而況做  
縕袍亦我狐貉耳狐貉有時做縕袍做已始固知由所爭在  
彼不在此時至佩劍來命盡結纓死世無羞惡心各自行其

是貂蟬傲韋布，倉亦安知耻。

鄉黨勒成書記載，由茲起細并。及食飲大乃備，典禮錯簡旣。云多聚訟復不已，一知半解中萬歲。千秋裏以此譽聖人，恐非聖所喜。以此學聖人，亦無學之理。何晏何以註揚雄，何以擬何以鄭康成，何以文中子趙普對曰：唯從此封王矣。

人生不怠情，疇昔在患難。曠野鼓琴聲，暗裏年華換。謂昔同日死，聚固不如散。謂今異地生，常轉不如變。但傷遠別離，不怨長貧賤。富貴毋相忘，咄嗟哉隴畔。

爲椁而請車，我不解顏路。且知聖人心，非止爲徒步。車敝可改爲厚葬，豈禮數託辭才。不才不欲言其故，所以示門人。感歎視猶父，易簣正乃得假蓋。短亦護不然，是區區甯復愛。莫助石有時而朽，金有時而鑄。

鼓琴復鼓瑟皆有殺伐聲歸南不歸北聖訓昭然明入室我  
猶賞於門衆所驚不如升堂鼓免使門外聽門人以耳食緣  
此來相輕知音不易得索解誠難精佩豚而冠雞誰能更和  
平土風操靡靡壯士難爲情

私家攘公室季氏富於魯後嗣忘本支季氏富於祖乃至過  
周公何況魯長府公生無私積亦未言阿堵不圖身後名以  
利幹其蠱季誠計太愚求亦意何苦季爲亾賴賊求爲欲虜  
賈求爲聚斂臣季爲守財虜求行季放手季坐求勾股屑屑  
當會稽多多辦行伍但作子孫憂不念公室輔禮旣遜林放  
罪已浮陽貨其將聚而殲亦復擢難數難起周公靈再破三  
年斧願集門弟子各弄三搗鼓攻求實攻季遂定三都土惜  
哉事不成忍而與終古

四人侍言志子路對何率微獨夫子哂點亦恠其疾想當鼓瑟時不似由之瑟先生據觚聽弟子避席述豈知治國家絕少萬全術道爲世所輕才爲衆所嫉知亦未必用用亦未必益有初鮮克終盛名難副實天下本無事斯人可不出春風吹春衣此志償何日

萬人供一人其勢易爭奉一人愛萬人其情難徧寵魯公患年饑盡徹徒慫思不足究何妨卽足甯無恐三家內攘專列國外騷動君如行古道臣豈棄嘉種出車自有數稅畝誰作俑濟衆病博施履厚忌獨擁大貉小貉輕大桀小桀重

老吏斷獄者舌本無枝節忠信或次之莫先乎明決片言其至少甚道不屑屑豈有詞未終便謂獄可折一半旣已言聞者固喜悅一半未嘗言孰探腹中說民如禪而叅官如食而

噎信若注所云民巧官已拙譬彼妙賞音必待樂一闕又如  
觀射棚亦必俟矢挾曲奏箭在弦誰能早分別作吏無辯言  
奇冤不能雪作吏無斷言疑案不能結要當見肺肝不在爭  
口舌折獄可片言殺人惟寸鐵

大盜不可死小盜不能止大盜患小盜彼我笑相視季氏盜  
魯國國盜盜季氏盜亦有道焉誰能分別此豺狼問狐狸放  
流問決齒紇且不能詰何況吾夫子殺之而不怨不自今日  
始賞之而不竊子言戲之耳竊國者可俟爾何爲竊鉤盜寶  
玉大弓何不盜歸公

父爲祖所生祖國卽父土旣云拒父矣所奉是何祖而況父  
出亾非祖由祖母母可無是子子難無是父無父而有君君  
哉孰生汝父子君臣間其道如市買好名讓千乘正名垂萬



古好名或避誅正名或幹蠱不幸不得已此天已難補若復利其間無心肝肺腑聖則譬猶龍賢則譬猶虎處人骨肉中危哉無死所

問稼答不如何必又問圃樊遲誠小人事鄙性尤魯兩叩智與仁退亦迷無主及此計無聊意欲言阿堵回思舞雩遊所問一何古就令爲圃農未必得其所矧非田舍翁亦豈灌園戶謬種忽流傳許行至自楚

孔子不悅魯次乃適衛地停車歎庶哉師弟私相議富以通其情教以作之氣期月而三年勢由反掌易茲焉攬轡來素有澄清志直欲使之聞用我效可致衛本酒色場人醉音靡靡若必作新民能無三致意

期月與三年汲汲魯中叟何以善人爲轉俟百年久卽有王

者興必世仁而後固知聖人心急欲扶衰醜微旨難顯言要  
道願更受於管許其仁於僑泣其朽誠得一二人大小各自  
守何至虎狼秦無道有九有封建秦所廢井田秦所蹂一敗  
不再成一奇不再偶十二萬歲中此一大關紐履霜而堅冰  
誰更執其咎王道無近功陛下千萬壽使有身後名不如一  
杯酒

嘗歎贊孟德有子不幹盡願爲周文王子偏諡之武操有何  
武耶殺后廢天子不然翦世臣不然戕正士文詞妙罕傳醜  
惡從茲始葉公語直躬毋乃近於是

羿梟與禹稷生死皆天意直是應時遭不可援作例古今如  
此人不知凡幾也所報不盡然且有相反者而況不得死豈  
蔽羿梟凶甯謂有天下便償禹稷功事本未易明理亦不勝

講且待五千年再喫三十棒

沐浴請討賊慄慄寒生毛魯衆加齊半壯士呼孟勞公何倒  
其柄而使三家捺彼亦陳恒耳聞之慄不驕安得作史筆化  
爲殺賊刀君子以筆削小人以刀鑿君子道日長小人道日  
消刀亦無有血筆亦無有豪穢史三萬寸付與秦皇燒

既有微生高又有微生畝螟蛉與螟蛉誰能辨某某胡爲棲  
棲與乃敢出諸口高猶爲乞醯畝直將飲酒

德非報怨具怨亦不德德然則不報耶報怨自有直或思德  
報之或所以爲或非惟怨之媒亦且德之賊不如彼德來我  
德適相值又如彼怨來我直不相厄甯種萬桃李不種一荆  
棘而矧千羊皮不如一狐腋德與德不孤怨若怨無極方信  
做人難過則猶不及

晨門隱於吏荷蕢隱於器晨門能知心荷蕢兼知音二子故  
自佳其詞激而諷惜非用世才世亦不之用或殺文人雞或  
歌狂士鳳或耦而畊田作者人何衆彼以醉爲醒實以醒爲  
夢獨有儀封人蒼涼語尤痛

靈公問伐陳孔子對未嘗陳壘不細察圍孔子絕糧曠野匪  
兕虎彈琴難具詳設竟圍不解可以繼首陽民亦稱到今絕  
勝炊黃粱不聞歌采薇但聞歌采桑寓言十九耳世路如羊  
腸

不作祝鮀生甯爲史魚死固知蘧伯玉恥獨爲君子昔從近  
關出去去何以駛今從半夜來鞦韆何以止再仕而再化昨  
非而今是寡過證知交保身絕膺仕可憐同朝人終古直如  
矢

鄭風若干篇其聲實淫裔毋亦習染汚靡靡之音地歌詩歌其聲說詩說其意聲自別貞淫意不掩美刺所以奏郊廟淫哇必放棄及夫采輜軒臚陳不能廢乃知鄭聲淫鄭詩無淫句而況詩人言往往雜譬喻若以文害辭轉使聲無據男女竝路行科有犯姦具

畫餅不可食蓋棺乃論定白駒過隙中一死無他贖士當未死時會致名譽盛用兵茂孫吳談道希孔孟或數奇不偶或伏處非聘或首尾各異或設施未竟河清壽幾何鼎重力難勝但有生富貴而無死賢聖魂魄逝無窮名與實不稱生蒙過情譽死蹈欺世病身後較當時何物可持贈仇者未嘗毀愛者無從佞子孫失孝慈天地謝權柄不畏閻摩王半夜索性命甚患太史公片紙書名姓桃李而荆棘鸞鳳而梟獍灑

淚望千秋古木無人徑

有粟得食諸早已苦飢渴不如夷與齊登山采薇蕨扣馬諫  
伐商大義爭日月何況齊景公無錢買馬骨千駟亦非富餓  
死亦非異悠悠身後名汲汲生前利

陽貨專季氏勢且無魯侯心獨忌孔子兼畏由與求蒸豚一  
相饋傾葢刺不休彼將爲野獲我豈能道謀三問而三答仰  
視浮雲浮若佩子路劒再用冉求矛不獨紆家難并可雪國  
羞惜哉季氏劣陰雨未綢繆甯知伐顓與早喻蕭牆憂

武城魯鄙地民氣悍以驕得人如澹臺但知斬長蛟文治不  
可緩絲管紛紛調睠言攬車轡立放屠牛刀南風豈不競文  
學良足豪口笑心竊喜如在齊聞韶雅歌對勁敵舞干格有  
苗破牆闕絲竹秦火所不燒

費叛季氏召語在太史記佛胥叛中牟事與公山異設吾夫子往必有萬全計趙鞅殺國士此事行遂廢中流而失船千金一匏繫悠悠者黃河楊腹吾其濟

國有士師官其治重法術柳下性之和油油在所黜兄日殺不辜士師何不詰嫗夜坐懷中士師何不叱加罪豈無辭遣行甯有益雖蒙臧孫知已先少連逸且待齊師來傳言犒士卒

國中用聖賢郊外迎婦女北鄙殺伐聲齊東野人語有何駭見聞相悅魯君臣見幾不終日歸止況如雲人疑讒後入物腐蠹先生得志三月住失意三日行斤斧不可理車輪不能捉若再吾遲遲膾肉將至矣

樂工都散亾祭器猶存魯或云此八人避紂離沫土他鄉各

異縣抱器唱碩鼠但留一師延靡靡自歌舞若果耻帝周堪  
與夷齊伍獨恠殷紂時有齊秦蔡楚當年撰人表竟成點鬼  
簿人患名不傳傳疑更辛苦諸儒蓋雷同流毒到有瞽  
命無實可據夫子罕言之何以不知命無以君子爲乃悟河  
上公聖人以爲師知者必不言言者或不知

讀讀論語詩一首

王曇

讀而不用張特進用而不讀趙中令普之論語纂禹之論  
語佞哀公十有六年四月孔子死四十二碑打碎剩殘紙  
從此論語八十宗曾鞏大學蕭衍中庸前有法言學作論  
語之揚雄後有文中學作論語之王通魏瓘狗曲張騫鑿  
空爲天子師爲開國公誓操讀之不愈頭風忽然恒山老  
人授我開心符六十篇中如潛夫不見異人當見異書闕



里荆棘無故自除黃祖心中有蔡邕枕中無遷史不闕太  
初漢書不裴瓠蘆春秋決獄二百三十有二字一一論語  
之註腳陸公之書廚匡老子反韓非復孟軻舌如蓮花口  
如黃河鉞膏肓起廢疾發墨守大儒賊吏小儒賊徒黷醜  
趙普心十瓶瓜子金讀破張禹面上方斬馬劔初不知先  
生所讀齊論語魯論語宣文論語男與女白虎觀中求直  
言華光殿上天花雨讚曰郭玉針經不治病華佗罵書救  
人命陳奇論語當柴燒何況春卿論語讖兩句讀通李文

靖宋李沆以節用愛人二語爲宰相者數十年見東都事略

餅水齋詩集卷九